

GENERALES VINDICIÆ,

ADVERSUS FAMOSOS
GASPARIS SCIOPPII LIBELLOS,
SOCIETATI IESV,

AB

ALBERTO DE ALBERTIS,
EX EADEM SOCIETATE, TRI-
DENTINO, ET IN MEDIOLANENSI
COLLEGIO, SACRARVM LITTE-
RARVM PROFESSORE
DATE,

*Ex dono
Hieronymi
Cordo*

*P. Petri
mi' de
ba*



Bibliotheca Collegij S. Dominici Salmantini Soc.

Permissu Superiorum,

MONACHII,

Formis LVCÆ STRAUBII,

ANNO M. DC. XLIX.

CHRISTIANO LECTORI.



MELIORA esse diligentis
vulnera, quam fraudulen-
ta oscula blandientis, a
à Diuinâ Sapientiâ me-
morix ac litteris man-
datum, constat. Ita exaduersum nihil
abdito tenebricosoque hoste infe-
stius, nihil nocentius. *Plinius lib. 9.
cap. 44. Abdito hoste nullus perniciosior.*
Aries piscis grandium nauigiorum
umbrâ occultatus, si quem fortè nan-
di voluptas inuitet, insidiosè præsto-
latur; tum piscantium cymbas, elato
extra aquam capite, callidè specula-
tus, latenter illico adnatat, cæsque re-
pentino mergit. *b* Baiazetes pariter
Turcarum Imperator, quum pacem
Serenissimæ Reipub. Venetæ dedisset,
Dalmatiam ac mare Adriaticum eius-
dem Reipub. ditioni subiectum, cæ-
de, direptione, igni suis à militibus

A fœdè

a *Prou. 27.* b *Alphonsus Ulloa lib. 1.
Vita Caroli V.*

I
CAP. I.

Ignominiâ pro Christo Domino, no-
tari, aut calamitatibus affici, præ-
claram esse gloriæ immor-
talis notam.

Num. I. *Effœminati virtutis affectu*



MELLES animæ, quæ terrarum so-
lo continenter affixæ, sublime nihil,
nihil celestis patriæ cogitare solitæ,
aut gnaræ sunt; vt in humanarum
rerum indicaturâ supra vulgi captum
nunquam assurgunt, ita in grassan-
tium calamitatum æstimatione foedè semper allu-
cinantur. Quippe intempestiuus illis, fucatisque
Iobi Sancti amicis, qui pios à Deo in hac vitâ for-
tunari omnes, contra verò impios cunctos æru-
mnis vexari, insani opinabantur, planè supparet
cuiusque probitatem hominis secundis rebus, im-
probitatem aduersis non minùs ineptè metiun-
tur, quàm improbè mentiuntur. Si cui enim egre-
gia facinora inuidiam constant, si quem animi ex-
celsitate, morumque innocentia plebi exemptum
inopia, maleuolorum insectatio, pædor carceris,
inualetudo, morborum carnificinæ, aut alix acer-
bitates exercent, illico sacrissimum caput, à quo
Deus poenas exigat, interpretantur, hostiamque
præcidantem, dignam prorsus, quæ in Herculis fa-
no (cui ingestis affatis maledictis, teste Lactan-
tio, & exsacrificabant) mactetur, vociferantur. Hos
domi, atque in foro, in circulis, in basilicis, in vicis,
in angiportis vnâ cum illis congerionibus identi-